


王焱  
編

# 日本漢文學百家集 72



北京燕山出版社



王焱 主編

日本漢文學百家集  
72



北京燕山出版社

第七十二册

讀耕先生全集 文集 卷一至卷六 林春德 著 寬文九年……  
一

讀耕齋全集

文  
一



讀耕先生全集序

天之大也日月星辰繫焉  
地之廣也華嶽河海載焉  
是以其至誠無息其生物  
不測至哉盡矣人之靈也

千歲之道貯之於心萬卷  
之堆蟠之於胸是以其學  
可擴其才可彰富哉煥乎  
亡叔父讀耕先生抱間出  
特立之量逍遙道德馳驅

翰墨幹父之蠱聯兄之芳  
洪業當任二難擅譽學而  
不厭誨人不倦載酒負笈  
者虛而往實而歸也先  
生於業可謂悠久也身浴

六藝芳潤眼窮百家小說  
並馳班馬觝排佛老至若  
本朝正史演說無不旁通  
而證鄉焉凡目所一見輒  
誦于口身所輒聞輒記于

心記之則不差一事不誤  
一字見者以為活書而推  
服其竒才也 先生於學  
可謂博厚也其行之餘詩  
賦文章無長無短堆堆疊

疊其速同於宿構其達出  
于腹稿人之難詠者難和  
者欣欣然下筆累篇其博  
達宏贍可讀而知焉往歲  
韓使來貢進士石湖李明

彬邂逅於先生席上詩  
戰競挑彼嘆曰可避一頭  
地推此可以知其非常也  
先生於才可謂高明也其  
學固既若是其才固既若

詩經傳  
是夭可以窺焉地可以測  
焉然其性不干譽不銜名  
不接世態唯好閑退故人  
無知其才學之萬一可勝  
而嘆哉其志之切確乎不

拔不屈權貴不捨賤陋聞  
人之善則如已有之聞人  
之惡則如不堪也故知者  
喜之不知者怪之古曰至  
音不合衆聽至寶不同衆

言身集  
好乃其先生之謂乎唯  
恨其齡未及強仕忽遇永  
訣之悲也如事實則年譜  
盡焉若夫策對之試華域  
之使再興其廢亦何立于

仲滿清公之下哉爲先  
生不可不惜之嗚呼先  
生之所以爲文也純亦不  
已者乎嗣子憲乎纂集遺  
稿以爲六十卷所謂詩集

文集外集各二十卷也於  
是僕嚮則憂英筭不長今  
則喜令名之壽也乃忘固  
陋以題卷端于時

寬文九年己酉十一月下